

Sarajevo, 26/04/2023

Poštovani,

ITA/ICE – Agencija za promociju u inostranstvu i internacionalizaciju italijanskih preduzeća i Ambasada Republike Italije već dug niz godina aktivno djeluju u Bosni i Hercegovini na promociji ekonomske i privredne saradnje između naše dvije zemlje, stavljajući poseban fokus na agroindustrijski sektor, a sa ciljem poticanja kontinuiranog rasta produktivnosti i jačanja konkurentnosti bosanskohercegovačkih firmi iz prehrambenog sektora.

S tim u vezi, čast nam je informisati Vas da smo pokrenuli "Lab Innova", međunarodni program obuke namijenjen privatnom sektoru, koji će biti realiziran u saradnji sa Vanjskotrgovinskom/Spoljnotrgovinskom komorom Bosne i Hercegovine.

Program obuke je namijenjen menadžerima, osobama zaposlenim u odjelima za vanjsku trgovinu te osobama iz odjela za marketing i komunikaciju bosanskohercegovačkih kompanija iz prehrambenog sektora, kao i predstavnicima sektorskih udruženja.

Cilj obrazovnog programa "Lab Innova", je da učesnici povećaju svoje tehničke i menadžerske vještine, dobiju nove alate i praktične primjere kako bi prevazišli izazove internacionalizacije i unaprijedili svoju konkurentnost i izvozne kapacitete, razviju pristup tržištima EU te razviju poslovna partnerstva sa italijanskim kompanijama.

Program obuke će biti organizovan u Bosni i Hercegovini i Italiji i biti će implementiran u tri faze:

1. Preliminarna selekcija učesnika, dobivanjem pozivnog pisma i popunjavanjem online formulara;
2. Kurs stručnog usavršavanja u trajanju od 3 dana (**Sarajevo, 24.-26. maj/svibanj 2023**) u prostorijama Vanjskotrgovinske/Spoljnotrgovinske komore BiH – Branislava Đurđeva br. 10 Sarajevo, koji će biti vođen od strane eksperata za međunarodni marketing i tehničko-operativne vještine sa *Faculty ICE*;  
Kurs će biti održan na engleskom jeziku uz obezbijeden simultani prevod na BHS jezik  
Po završetku trodnevne obuke, svi učesnici će dobiti certifikat o prisustvu.
3. Studijsko putovanje u Italiju (**22.-27. oktobar/listopad 2023**), koje će obuhvatiti posjetu poljoprivredno prehrambenom klasteru Regije Emilia-Romagna, posjetu sajmu mašina i tehnologije u prehrambenom sektoru **Cibus Tec 2023** (<https://www.cibustec.it/en>) u gradu Parmi, B2B sastanke sa italijanskim kompanijama, posjete relevantnim kompanijama u klasteru, te daljnje obuke sa italijanskim stručnjacima.

Kako je broj učesnika ovog projekta ograničen molimo vas da se najkasnije do **10. maja/svibnja 2023. prijavite**, popunjavanjem online formulara na → [linku](#) ← Lab Innova Application form, čime potvrđujete svoju zainteresovanost za učešćem u programu, faza (1).

Za učešće na studijskom putovanju u Italiju potrebno je pohađati kompletan kurs stručnog usavršavanja, faza (2).

Ostajemo Vam na raspolaganju za sve dodatne informacije i želimo Vam uspješno učešće u "Lab Innova" programu.

U očekivanju Vašeg odgovora i prijave za učešće u programu obuke, srdačno Vas pozdravljamo

Direktor  
Sandra Di Carlo

